



SREDNJOROČNI PLAN RADA

DIREKCIJE ZA KOORDINACIJU
POLICIJSKIH TIJELA BOSNE I
HERCEGOVINE

2025-2027

Sarajevo, februar 2025.

SADRŽAJ

POGLAVLJE 1: Strateški okvir.....	3
POGLAVLJE 2: Misija i vizija.....	5
POGLAVLJE 3: Učesnici i partneri.....	5
3.1. SARADNJA SA DOMAĆIM INSTITUCIJAMA.....	5
3.2. MEĐUNARODNA SARADNJA	7
3.2.1. SARADNJA SA INTERPOL-om	7
3.2.2. SARADNJA SA EUROPOL-om	7
3.2.3. SARADNJA SA SELEC-om, MULTILATERALNA I BILATERALNA SARADNJA.....	7
POGLAVLJE 4: Osnovna programska opredjeljenja	9
4.1. RAZVIJANJE I JAČANJE KOMUNIKACIJE, KOORDINACIJE I SARADNJE IZMEĐU POLICIJSKIH I DRUGIH RELEVANTNIH TIJELA U BIH.....	9
4.2. UNAPREĐIVANJE MEĐUNARODNE OPERATIVNE POLICIJSKE SARADNJE	10
4.3. UNAPREĐIVANJE ZAŠTITE LIČNOSTI I OBJEKATA KOJI SE POSEBNO ŠTITE	11
4.4. PODRŠKA ZA REALIZACIJU PROGRAMA I PROGRAMSKIH AKTIVNOSTI .	12
POGLAVLJE 5: Resursi i kapaciteti potrebni za postizanje cilja	12
5.1. IZVORI FINANSIRANJA.....	12
5.2. KAPACITETI POTREBNI ZA IZVRŠENJE PLANA	12
POGLAVLJE 6: Okvir za praćenje provođenja plana i evaluaciju rezultata.....	13
6.1. KLJUČNI POKAZATELJI.....	13
6.1.1. POKAZATELJI USPJEHA ZA SREDNJOROČNI CILJ	13
6.1.2. POKAZATELJI USPJEHA ZA SPECIFIČNI CILJ.....	13
6.1.3. POKAZATELJI REZULTATA ZA PROGRAM.....	13
6.2. PRAĆENJE IZVRŠENJA I EVALUACIJA SREDNJOROČNOG PLANA RADA .	14

POGLAVLJE 1: Strateški okvir

Direkcija za koordinaciju policijskih tijela BiH (u daljem tekstu: Direkcija) je upravna organizacija u okviru Ministarstva bezbjednosti BiH s operativnom samostalnošću osnovana radi obavljanja poslova i zadataka iz svoje nadležnosti utvrđenih članom 6. Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine (Službeni glasnik BiH, broj 36/08), kojom rukovodi direktor i koja se finansira iz budžeta institucija BiH.

Poslovi iz nadležnosti Direkcije su:

- a) komunikacija, saradnja i koordinacija između policijskih tijela BiH;
- b) komunikacija, saradnja i koordinacija između policijskih tijela BiH s odgovarajućim organima u Bosni i Hercegovini u vezi s pitanjima policijskih poslova međunarodnog karaktera ili od međunarodnog značaja, ili u vezi s pitanjima koja su u nadležnosti Suda BiH;
- c) komunikacija i saradnja s odgovarajućim stranim i međunarodnim organima u vezi s pitanjima policijskih poslova od međunarodnog značaja ili zajedničkog interesa;
- d) komunikacija, saradnja i koordinacija između policijskih tijela BiH te odgovarajućih organa u Bosni i Hercegovini s odgovarajućim stranim i međunarodnim organima;
- e) primjena najboljih evropskih i drugih međunarodnih praksi koje se odnose na policijska pitanja u Bosni i Hercegovini;
- f) standardizacija rada u vezi s policijskim pitanjima u Bosni i Hercegovini;
- g) dnevno objedinjavanje bezbjedonosnih informacija od značaja za Bosnu i Hercegovinu, kao i od značaja za obavljanje poslova iz nadležnosti policijskih tijela BiH, stalna saradnja s relevantnim policijskim i drugim tijelima i poduzimanje potrebnih mjera s ciljem koordinacije operativnih poslova policijskih tijela BiH, te dnevno praćenje stanja bezbjednosti i obavještavanje nadležnih policijskih i drugih tijela BiH;
- h) organizovanje i provođenje fizičke i tehničke zaštite lica i objekata organa BiH i diplomatsko – konzularnih organa koji se posebno štite u skladu s odgovarajućim zakonima, međunarodnim obavezama i drugim propisima koje donosi Savjet ministara BiH;
- i) prikupljanje, praćenje, analiziranje i korištenje podataka od značaja za bezbjednost Bosne i Hercegovine;
- j) provođenje međunarodnih ugovora o policijskoj saradnji iz nadležnosti Direkcije;
- k) ostali poslovi propisani zakonima i drugim propisima.

Pravilnikom o unutrašnjoj organizaciji i sistematizaciji Direkcije utvrđeni su opšti principi i načela unutrašnje organizacije; sjedište Direkcije; osnovne organizacione jedinice i djelokrug rada; način upravljanja i rukovođenja; programiranje rada, koordinacija strateških pitanja i izvještavanje o realizovanim poslovima; prava, odgovornosti i broj službenika, te radni odnosi i disciplinska odgovornost službenika.

Direkcija obrađuje podatke i vodi evidencije u skladu sa Zakonom o policijskim službenicima BiH, Zakonom o zaštiti ličnih podataka, Zakonom o zaštiti tajnih podataka i drugim propisima u BiH.

Rad Direkcije je javan i javnost rada se ostvaruje u skladu sa Zakonom o slobodi pristupa informacijama Bosne i Hercegovine (Službeni glasnik BiH, broj 28/00, 45/06 i 102/09) i podzakonskim aktima Savjeta ministara BiH.

Kroz svoj rad u kome je akcenat stavljen na usvajanje neophodnih normativno pravnih akata, izgradnju potrebnih ljudskih i materijalno-tehničkih kapaciteta, te uspostavljanja saradnje sa relevantnim institucijama i službama, menadžment Direkcije je prepoznao neophodnost izrade strateških dokumenata kao bitnog preduslova za jačanje kapaciteta same organizacije shodno standardima i najboljim praksama EU.

Razvojnu strategiju, Direkcija namjerava graditi na poštovanju zakona i svojih nadležnosti, unutrašnjim potencijalima, transparentnosti, orijentisanosti na pružanje kvalitetnih usluga, stručnosti, dobroj organizaciji rada, te adekvatnom upravljanju projektima.

U cilju planskog provođenju aktivnosti na ispunjavanju svoje misije i vizije, Direkcija je postupala shodno srednjoročnim i godišnjim planovima rada. Svake godine sačinjavaju se srednjoročni planovi rada Direkcije za naredne tri godine. U propisanom roku 2023. godine sačinjen je *nacrt Srednjoročnog plana rada Direkcije za koordinaciju policijskih tijela BiH za period 2024-2026. godina, koji je u aprilu 2024. godine usvojen nakon usvajanja Srednjoročnog programa rada Savjeta ministara BiH za period 2024-2026. godina*. Paralelno sa ovim ciklusom srednjoročnog planiranja, realizuju se i godišnje planiranje. Naime, na temelju srednjoročnih planova rada, krajem godine donosi se *godišnji program rada za narednu godinu*, u kojem su definisani konkretni zadaci i aktivnosti za realizaciju utvrđenih ciljeva i programa iz srednjoročnog plan rada. Program rada Direkcije za 2024. godinu usvojen je od strane Savjeta ministara BiH u februar 2024. godine.

U martu 2014. godine sačinjena je *Procjena institucionalnih kapaciteta Direkcije za koordinaciju policijskih tijela BiH*, u septembru 2022. godina *Plan integriteta Direkcije za koordinaciju policijskih tijela BiH*, a u aprilu 2022. godine *Plan za borbu protiv korupcije Direkcije za koordinaciju policijskih tijela BiH za 2022. godinu*, koji su nastali kao rezultat napora za institucionalno unapređenje i izgradnju kapaciteta Direkcije za borbu protiv korupcije, te efikasnije saradnje sa Agencijom za sprječavanje korupcije i koordinaciju borbe protiv korupcije.

Pri izradi svojih planskih i strateških dokumenata Direkcija uzima u obzir:

- a) Strateški okvir institucija BiH do 2030. godine,
- b) Srednjoročni program rada Savjeta ministara BiH,
- c) Obaveze za realizaciju aktivnosti iz Mape puta za liberalizaciju viznog režima sa EU,
- d) Obaveze koje proizlaze iz izvještaja Evropske komisije o napretku u BiH,
- e) Mjere iz akcionih planova za realizaciju strategija za borbu protiv određenih pojava oblika kriminaliteta u BiH,
- f) Mjere iz Akcionog plana za reformu javne uprave,
- g) Izvještaje o radu Direkcije,
- h) Izvještaje o finansijskoj reviziji Direkcije.

POGLAVLJE 2: Misija i vizija

MISIJA

Stalnim jačanjem komunikacije, koordinacije i saradnje sa svim partnerima u Bosni i Hercegovini i inostranstvu, služiti policijskim i drugim relevantnim tijelima u Bosni i Hercegovini u efikasnijem obavljanju poslova iz njihove nadležnosti, te vršiti zaštitu ličnosti i objekata koji se štite i tako aktivno doprinositi bezbjednosti i kvalitetu života građana Bosne i Hercegovine, regije i šire.

VIZIJA

Direkcija za koordinaciju policijskih tijela Bosne i Hercegovine postaje savremena, inventivna i ciljno orjentisana profesionalna policijska agencija koja mjerljivo doprinosi bezbjednosti zemlje i regije postajući prepoznatljiva dodatna vrijednost policijskoj strukturi Bosne i Hercegovine. Zaposlenici će kontinuirano razvijati kapacitete Direkcije obučavanjem, korištenjem savremenih tehnologija, inovacija i razvijanjem partnerskih odnosa utemeljenih na profesionalizmu i međusobnom uvažavanju.

POGLAVLJE 3: Učesnici i partneri

3.1. SARADNJA SA DOMAĆIM INSTITUCIJAMA

Članom 11. Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine, definisana je službena saradnja Direkcije sa drugim policijskim tijelima i odgovarajućim organima Bosne i Hercegovine, a članom 12. Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine, definisana je obaveza obavještanja Direkcije i nadležnih tijela u BiH. Takođe, zakoni kojima je propisana nadležnost drugih policijskih agencija i relevantnih tijela, propisuju i njihovu saradnju sa Direkcijom.

Pružanje pomoći definisano je zakonom, a detaljnije se ova oblast nastoji urediti memorandumima i sporazumima o međusobnoj saradnji. Direkcija postupa po sljedećim sporazumima i memorandumima:

- *Sporazum o uspostavljanju Sistema elektronske razmjene podataka iz evidencija policijskih tijela i tužilaštva*, potpisan u septembru 2009. godine između Ministarstva bezbjednosti BiH, Granične policije BiH, Državne agencije za istrage i zaštitu, Federalne uprave policije, MUP-a Republike Srpske, Policije Brčko distrikta, MUP-ova kantona i Visokog sudskog i tužilačkog savjeta BiH. U junu 2010. godine Direkcija i Služba za poslove sa strancima potpisale su aneks navedenog Sporazuma.
- *Sporazum o obezbjeđenju transporta gotovog novca Centralne banke BiH*, potpisan u februaru 2013. godine između Direkcije i Centralne banke BiH.
- *Protokol o prijemu, transportu, predaji, obezbjeđenju vrijednosnih pošiljki i obezbjeđenju istovara/utovara vrijednosnih pošiljki Centralne banke BiH*, potpisan u aprilu 2013. godine između Direkcije i Centralne banke BiH.
- *Sporazum o međusobnom pružanju pomoći i operativnoj saradnji agencija za sprovođenje zakona*, potpisan u junu 2014. godine između Direkcije, Državne agencije

- za istrage i zaštitu, Granične policije BiH, Federalne uprave policije i Ministarstva unutrašnjih poslova Kantona Sarajevo.
- *Sporazum o depešnom saobraćaju između Ministarstva unutrašnjih poslova Republike Srpske i Direkcije za koordinaciju policijskih tijela Bosne i Hercegovine*, potpisan u februaru 2018. godine između Ministarstva unutrašnjih poslova Republike Srpske i Direkcije.
 - *Sporazum o osiguranju transporta dokaznog materijala Agencije za forenzička ispitivanja i vještačenja*, potpisan u maju 2018. godine između Direkcije i Agencije za forenzička ispitivanja i vještačenja.
 - *Sporazum o tehničkoj saradnji i zajedničkom korištenju informaciono - komunikacionih resursa*, potpisan u novembru 2018. godine između Direkcije i Generalnog sekretarijata Savjeta ministara BiH.
 - *Protokol o osiguranju transporta dokaza i osiguranju istovara/utovara dokaza Agencije za forenzička ispitivanja i vještačenja*, potpisan u maju 2018. godine između Direkcije i Agencije za forenzička ispitivanja i vještačenja.
 - *Sporazum o korištenju sistema radio veze između policijskih agencija u BiH*, potpisan u decembru 2018. godine između Direkcije i Državne agencije za istrage i zaštitu, Granične policije Bosne i Hercegovine, Federalne uprave policije, Ministarstva unutrašnjih poslova Unsko-sanskog kantona, Ministarstva unutrašnjih poslova Tuzlanskog kantona, Ministarstva unutrašnjih poslova Zeničko-dobojskog kantona, Ministarstva unutrašnjih poslova Bosansko-podrinjskog kantona, Ministarstva unutrašnjih poslova Srednjobosanskog kantona i Ministarstva unutrašnjih poslova Kantona Sarajevo.
 - *Sporazum o načinu i uslovima angažovanja pripadnika Direkcije za koordinaciju policijskih tijela BiH na zadacima zaštite i spašavanja na području Opštine Centar Sarajevo*, potpisan u maju 2019. godine između Direkcije i Opštine Centar Sarajevo.
 - *Sporazum o međusobnom pružanju pomoći i operativnoj saradnji u borbi protiv terorizma*, potpisan u aprilu 2020. godine. Sporazum su pored Direkcije potpisali i Državna agencija za istrage i zaštitu, Obavještajno - bezbjedonosna agencija Bosne i Hercegovine, Granična policija Bosne i Hercegovine, Federalna uprava policije, Ministarstvo unutrašnjih poslova Republike Srpske, Policija Brčko distrikta Bosne i Hercegovine i Služba za poslove sa strancima.
 - *Sporazum između Službe za poslove sa strancima i Direkcije za koordinaciju policijskih tijela BiH o zastupanju u okviru kontakt tačke za BiH za saradnju sa Europolom*, potpisan u aprilu 2021. godine.
 - *Sporazum o zastupanju u okviru kontakt tačke za BiH za saradnju sa Europolom između Uprave za indirektno oporezivanje i Direkcije za koordinaciju policijskih tijela BiH*, potpisan u julu 2021. godine.
 - *Sporazum o međusobnoj komunikaciji i saradnji te pružanju pomoći u oblasti obuka između Ministarstva odbrane BiH i Direkcije za koordinaciju policijskih tijela BiH*, potpisan u februaru 2024. godine.

Takođe, Direkcija postupa po *Memorandumu o saradnji, pružanju pomoći i međusobnoj koordinaciji poslova iz oblasti zaštite ličnosti i objekata*, koji je u martu 2005. godine potpisan između Državne agencije za istrage i zaštitu, Granične policije BiH, MUP-a Republike Srpske,

Federalnog ministarstva unutrašnjih poslova, MUP-a Unsko-sanskog kantona, MUP-a Posavskog kantona, MUP-a Tuzlanskog kantona, MUP-a Zeničko-dobojskog kantona i MUP-a Bosansko-podrinjskog kantona, obzirom da je tada poslove zaštite VIP ličnosti i objekata obavljala Državna agencija za istrage i zaštitu.

3.2. MEĐUNARODNA SARADNJA

Nadležnost Direkcije za međunarodnu operativnu policijsku saradnju definisana je članom 6. stav 1. tačke c) i d) Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine. Saradnja se ostvaruje preko **Sektora za međunarodnu operativnu policijsku saradnju** koji je osnovna organizacijska jedinica Direkcije. U okviru **Sektora za međunarodnu operativnu policijsku saradnju** obavljaju se poslovi u skladu sa nacionalnim zakonodavstvom i članstvom Bosne i Hercegovine u *Međunarodnoj organizaciji kriminalističke policije – Interpol*, *Sporazumom o operativnoj i strateškoj saradnji između BiH i Kancelarije Evropske policije - Europol*, te u skladu sa članstvom u *Inicijativi saradnje u Jugoistočnoj Evropi - SELEC*. Zadatak Sektora je obezbjediti, provoditi i unaprijediti saradnju domaćih policijskih, sudskih i drugih nadležnih tijela u sklopu međunarodne operativne policijske saradnje sa drugim zemljama u svijetu, kao i tijelima drugih država sa domaćim policijskim, sudskim i drugim tijelima. Direkcija predstavlja jedinstvenu tačku za razmjenu informacija na strateškom i operativnom nivou u sklopu provođenja međunarodnih istraga.

3.2.1. SARADNJA SA INTERPOL-om

U skladu sa zakonodavstvom Bosne i Hercegovine, Statutom i Pravilnikom o obradi podataka Interpola (International Criminal Police Organization - ICPO), **Odsjek – NCB Interpol Sarajevo** kao unutrašnja organizaciona jedinica Sektora za međunarodnu operativnu policijsku saradnju u okviru Direkcije, predstavlja jedinstvenu kontakt tačku za saradnju u sklopu članstva u ovoj međunarodnoj organizaciji. Odsjek obezbjeđuje, provodi i unapređuje saradnju (preko bezbjedne zaštićene elektronske mreže I-24/7) sa Generalnim sekretarijatom Interpola - IPSC (Interpol General Secretariat) i drugim NCB-ovima članicama Interpola u svijetu. Na ovaj način se vrši razmjena podataka na strateškom i operativnom nivou kao i komunikacija u saradnji nadležnih tijela za sprovođenje zakona u Bosni i Hercegovini sa Interpolom i Interpola sa nadležnim domaćim tijelima. Odsjek NCB Interpol Sarajevo, kao Nacionalna centralna kancelarija, predstavlja Bosnu i Hercegovinu u članstvu Interpola, te kao takav sudjeluje u svim aktivnostima u sklopu ove međunarodne policijske kriminalističke organizacije (projekti, konferencije, operativne akcije, obuke i radna tijela Interpola).

3.2.2. SARADNJA SA EUROPOL-om

Dana 14.06.2023. godine sa radom je započela Nacionalna kontakt tačka za saradnju Bosne i Hercegovine sa EUROPOL-om (u daljem tekstu: NKT). Direkcija od 14.06.2023. godine saradnju sa EUROPOL-om i zemljama članicama i trećim stranama ostvaruje putem NKT BiH koja se nalazi u Zgradi prijateljstva između Grčke i BiH – Zgrada zajedničkih institucija (Trg BiH 1). U NKT-u Direkcija zastupa i Upravu za indirektno oporezivanje BiH, shodno potpisanom Sporazumu o zastupanju.

Komunikacija sa NKT-om odvija se posredstvom zaštićene SDH mreže, dok predstavnik Direkcije u NKT-u ima pristup SIENA zaštićenom kanalu putem kojeg se odvija korespondencija sa Europolom, zemljama članicama, trećim stranama i drugim organizacijama.

U skladu sa Instrukcijom o postupanju u cilju provođenja Sporazuma o operativnoj i strateškoj saradnji između BiH i EUROPOL-a i Pravilnikom o radu i operativnoj saradnji NKT-a sa EUROPOL-om, predstavnik Direkcije postupa po zahtjevima/informacijama Europolu i zemalja članica i trećih strana.

Imajući u vidu koordinacijsku nadležnost Direkcije, predstavnik Direkcije u NKT koordiniraće aktivnosti operativne akcije SEE JAD 2024, koja se provodi u okviru EMPACT-a 8.1. Isto tako, uzeće aktivno učešće u pripremama aktivnosti u vezi organizacije Centralnog komandnog štaba operativne akcije SEE JAD 2024, koji će ove godine biti uspostavljen u Sarajevu, i u konačnici aktivno učešće u radu istog za vrijeme operativne faze SEE JAD 2024.

3.2.3. SARADNJA SA SELEC-om, MULTILATERALNA I BILATERALNA SARADNJA

Saradnja se ostvaruje preko *Odsjeka za multilateralnu i bilateralnu saradnju i implementaciju međunarodnih ugovora Direkcije* shodno domaćim zakonima i drugim propisima, te u skladu sa *Konvencijom o Centru za sprovođenje zakona u Jugoistočnoj Evropi* - SELEC konvencija o saradnji policijskih agencija, carinskih službi i drugih relevantnih tijela zemalja Jugoistočne Evrope (Službeni glasnik BiH, broj 11/10), *Konvencijom o policijskoj saradnji za Jugoistočnu Evropu* (Službeni glasnik BiH, broj 4/07) i drugim bilateralnim i multilateralnim sporazumima potpisanim od strane Bosne i Hercegovine koji se odnose na međunarodnu policijsku saradnju.

Odsjek obavlja poslove iz oblasti multilateralnih i bilateralnih ugovora u vezi međunarodne policijske saradnje, predstavlja tačku za saradnju nadležnih tijela u Bosni i Hercegovini preko Nacionalne tačke kontakta – NFP (National Focal Point) sa SELEC-om, predstavlja tačku za strane i domaće policijske oficire za vezu, te obezbjeđuje, provodi i unapređuje saradnju sa oficirima za vezu.

U okviru međunarodne saradnje značajno je istaći saradnju na implementaciji *Konvencije o policijskoj saradnji zemalja Jugoistočne Evrope* (*Memorandum o razumijevanju, saradnji i podršci u vezi sa Sekretarijatom Konvencije o policijskoj saradnji za Jugoistočnu Evropu, potpisan je 21. maja 2010. godine, a stupio je na snagu za BiH 1. marta 2013. godine*) u okviru koje je organizovano više radnih grupa (Radna grupa za zajedničke istražne timove i Radna grupe za prekogranični nadzor). Takođe Direkcija razvija izuzetno intezivnu saradnju sa stranim oficirima za vezu u BiH i EUFOR-om.

POGLAVLJE 4: Osnovna programska opredjeljenja

Srednjoročni cilj

Unapređenje bezbjedonosnog sektora u nadležnosti institucija BiH sa aspekta odgovornosti i efikasnosti.

Specifični cilj

Razvijanje i jačanje domaće i međunarodne policijske saradnje i unapređenje zaštite ličnosti i objekata.

Program za realizaciju srednjoročnog i specifičnog cilja:

Policijska saradnja i zaštita ličnosti i objekata.

4.1. RAZVIJANJE I JAČANJE KOMUNIKACIJE, KOORDINACIJE I SARADNJE IZMEĐU POLICIJSKIH I DRUGIH RELEVANTNIH TIJELA U BIH

Komunikacija i saradnja Direkcije sa policijskim tijelima i drugim organima za sprovođenje zakona u BiH je uspostavljena i kontinuirano se poduzimaju aktivnosti na njenom unapređenju. Ove aktivnosti su jednim dijelom sprovode kroz realizaciju određenih IPA projekata i učešćem u radu Udarne grupe za borbu protiv terorizma i jačanje sposobnosti za borbu protiv terorizma, Operativne grupe za borbu protiv terorizma, Radne grupe za izradu prijedloga Strategije BiH za prevenciju i borbu protiv terorizma za period 2021-2026. godina, Radne grupe za izradu Strategije za borbu protiv organizovanog kriminaliteta u BiH za period 2023-2026. godina, Radne grupe za izradu Strategije za suprostavljanje trgovini ljudima u Bosni i Hercegovini 2023-2027. godina, Radne grupe za izradu Strategije za borbu protiv korupcije 2024-2028. godina, Radne grupe za uspostavu Kontakt tačke za vatreno oružje u Bosni i Hercegovini, Radne grupe – Uspostava sistema za praćenje SALW-a i pripadajuće municije i Koordinacionog odbora za kontrolu malog oružja i lakog naoružanja u BiH (SALW).

S druge strane nastavljeno je svakodnevno evidentiranje dnevnih događaja od značaja za bezbjednost Bosne i Hercegovine, te se na osnovu biltena dnevnih događaja policijskih tijela u Bosni i Hercegovini sačinjavaju bilteni dnevnih događaja o bezbjednosnim informacijama od značaja za Bosnu i Hercegovinu, koji se dostavljaju Ministarstvu bezbjednosti Bosne i Hercegovine i svim policijskim tijelima u Bosni i Hercegovini. Operativni centar Direkcije redovno ostvaruje kontakte sa operativnim centrima drugih policijskih tijela u Bosni i Hercegovini, s ciljem uspostavljanja bolje saradnje i razmjene informacija koje su od značaja za bezbjednost Bosne i Hercegovine.

U okviru Operativnog centra Direkcije kontinuirano se vrši monitoring uspostavljenog sistema video nadzora sa ciljem praćenja stanja bezbjednosti na štićenim objektima i pravovremenog djelovanja u slučaju ugrožavanja bezbjednosti, kao i aktivnosti na njegovom održavanju i pravilnom funkcionisanju. Vršiti se redovna provjera sistema radio veze sa službenicima unutrašnjeg obezbjeđenja Ambasade Sjedinjenih Američkih Država u Sarajevu, kao i redovna mjesečna komunikacija putem e-maila sa dežurnim oficirom EUFOR-a.

Sistem elektronske razmjene podataka iz evidencija policijskih tijela i tužilaštva (u daljem tekstu: Sistem) koji je u prethodnim godinama unapređen, omogućava veći broj upita, tako da se trenutno preko sistema dnevno razmjene oko 1.800.000 poruka. Centralna tačka sistema je dostupna 100% i u potpunosti funkcionalna.

U periodu 2025-2027. godina, u ovom segmentu, poduzimaće se aktivnosti na realizaciji programske aktivnosti:

Programska aktivnost 1: Policijska saradnja

4.2. UNAPREĐIVANJE MEĐUNARODNE OPERATIVNE POLICIJSKE SARADNJE

Uspješno se realizuje korespondencija, saradnja i komunikacija sa zemljama članicama Interpola, SELEC-om i agencijama za sprovođenje zakona u BiH, te preko Nacionalne kontakt tačke sa Europolom.

Policijskim agencija i ministarstvima unutrašnjih poslova u Bosni i Hercegovini omogućen je pristup aplikaciji "Evidencija o licima za kojima se traga" koja omogućava automatsku obradu zaprimljenih informacija o licima za kojima se traga. Zaključno sa 29. aprilom 2024. godine u Evidenciju je uneseno ukupno 463.912 podataka.

Direkcija je svim nadležnim agencijama za provedbu zakona u Bosni i Hercegovini omogućila pristup Interpolovom informacionom sistemu (e-mail, baza podataka) u skladu sa njihovim nadležnostima.

U prethodnom periodu gotovo sve nadležne policijske agencije (osim MUP-a Republike Srpske) su potpisale Sporazum o korištenju Interpolove „iARMS“ aplikacije (Sistem za vođenje i praćenje evidencija ilegalnog oružja). Takođe, poduzimaju se aktivnosti oko uspostave NFIP-a – NATIONAL FOOTBALL INFORMATION POINT (kontakt tačka za razmjenu bezbjedonosnih informacija oko sportskih događaja međunarodnog karaktera).

Omogućena je efikasnija i kvalitetnija razmjena podataka po pitanjima policijskih poslova od međunarodnog značaja ili zajedničkog interesa kroz saradnju sa policijskim atašeima stranih zemalja u BiH. U 2023. godini, u sklopu međunarodne operativne policijske saradnje realizovano je sedam operativnih akcija, u kojima je Direkcija koordinirala aktivnosti između agencija i drugih organa za sprovođenje zakona u BiH i nadležnih međunarodnih institucija. U narednom periodu Direkcija će po pozivu učestvovati u realizaciji operativnih akcija iniciranih od strane INTERPOL-a, EUROPOL-a i SELAC-a.

U cilju daljeg jačanja međunarodne operativne policijske saradnje, Direkcija će u saradnji sa ostalim relevantnim organima i policijskim tijelima u BiH nastojati realizovati sljedeće aktivnosti:

1. Otkloniti sve poteškoće za pristup MUP-a Republike Srpske i MUP-a Kantona Sarajevo aplikaciji „Evidencija o licima za kojima se traga“.
2. Intenzivirati nastavak aktivnosti sa Ministarstvom civilnih poslova BiH za potpisivanje i ratifikaciju Konvencije Savjeta Evrope o intergrisanom pristupu bezbjednosti, obezbjeđenja i usluga na sportskim događajima u cilju pridruživanja NFIP mreži (National Football Information Point – kontakt tačka za razmjenu bezbjedonosnih informacija).

3. Poduzimati aktivnosti u skladu sa svojim zakonskim nadležnostima na implementaciji međunarodnog ugovora koji se odnosi na saradnju BiH sa EUROPOL-om.
4. U skladu sa potrebama i nadležnostima putem NKT BiH zatražiti učešće u EUROPOL-ovim analitičkim projektima.
5. U skladu sa svojim nadležnostima dostaviti zahtjev za pristup zaštićenom kanalu komunikacije SIENA s ciljem lakše i sigurnije razmjene informacija sa NKT BiH odnosno zemljama članicama EUROPOL-a.
6. U skladu sa svojim nadležnostima i potrebama putem NKT BiH zatražiti direktan pristup razmjeni informacija sa zemljama članicama EUROPOL-a u skladu sa Sporazumom o operativnoj i strateškoj saradnji BiH sa EUROPOL-om.

U periodu 2025-2027. godina, u ovom segmentu, poduzimaće se aktivnosti na realizaciji programske aktivnosti:

Programska aktivnost 1: Policijska saradnja

4.3. UNAPREĐIVANJE ZAŠTITE LIČNOSTI I OBJEKATA KOJI SE POSEBNO ŠTITE

Tokom izvršavanja poslova i zadataka na zaštiti ličnosti i objekata koji se posebno štite, ostvarena je dobra saradnja sa policijskim i drugim organima u BiH, kroz održavnje redovnih sastanaka, te realizaciju *Sporazuma o međusobnom pružanju pomoći i operativnoj saradnji između Direkcije za koordinaciju policijskih tijela BiH, Državne agencije za istrage i zaštitu, Granične policije BiH, Federalne uprave policije i MUP-a Kantona Sarajevo*. U 2023. godini u sklopu sprovođenja operativnih akcija obezbjeđenja povodom posjeta stranih šticećenih ličnosti BiH, te održavanja drugih značajnih događaja u BiH, u jednom slučaju aktiviran je Situacioni centar Direkcije, kada je u istom djelovao Operativni štab akcije „Srebrenica 2023“.

Takođe, postupajući po Odluci Ministarstva bezbjednosti Bosne i Hercegovine o pružanju podrške Graničnoj policiji Bosne i Hercegovine u obavljanju poslova granične kontrole, policijski službenici Direkcije kontinuirano pružaju ispomoći na području terenskih kancelarija Istok Višegrad.

Isto tako, nastaviće se sa pružanjem pomoći i saradnjom sa Službom za poslove sa strancima na obezbjeđenja migrantskih kampova „Lipa“ i „Borić“ u Bihaću i privremenih prihvatnih centara za migrante „Blažuj“ i „Ušivak“ u Sarajevu.

Na planu tehničke zaštite ličnosti i objekata kontinuirano se vrši monitoring uspostavljenog *sistema video nadzora* sa ciljem praćenja stanja bezbjednosti na šticećenim objektima i pravovremenog djelovanja u slučaju ugrožavanja bezbjednosti, kao i aktivnosti na njegovom održavanju i pravilnom funkcionisanju.

U planskom periodu u sve tri godine planiran je prijem 180 kadeta, od kojih 170 u činu policajca i 10 kadeta u činu mlađeg inspektora, čime će se poboljšati kadrovska popunjenost i nadomjestiti odlazak policijskih službenika u penziju, a samim tim i podmladiti sastav policijskih službenika što će se odraziti na efikasnost izvršavanja poslova i zadataka zaštite šticećenih ličnosti i objekata.

U kontinuitetu se realizuju obuke službenika iz oblasti zaštite ličnosti i objekata, te shodno

odobrenim budžetskim sredstvima i materijalno–tehničko opremanje.

U periodu 2025-2027. godina, u ovom segmentu, poduzimaće se aktivnosti na realizaciji programske aktivnosti:

Programska aktivnost 2: Zaštita ličnosti i objekata

4.4. PODRŠKA ZA REALIZACIJU PROGRAMA I PROGRAMSKIH AKTIVNOSTI

Podrška za realizaciju programskih aktivnosti „Policijska saradnja“ i „Zaštita ličnosti i objekata“ biće pružena kroz programsku aktivnost:

Programska aktivnost 3: Upravljanje i podrška

POGLAVLJE 5: Resursi i kapaciteti potrebni za postizanje cilja

5.1. IZVORI FINANSIRANJA

Sredstva za realizaciju ovog Plana obezbjeđuje se iz **budžeta Institucija BiH** i zbog toga je izrada srednjoročnog plana usklađena sa procesom izrade budžeta. Planirano je da se za realizaciju ovog Plana iz budžeta izdvoji **215.608.000 KM**.

5.2. KAPACITETI POTREBNI ZA IZVRŠENJE PLANA

Za izvršenje ovog Plana koristiće se raspoloživi kapaciteti Direkcije. Za efikasniju realizaciju projekata neophodno je izvršiti kadrovske popunjavanje organizacionih jedinica Direkcije, kako slijedi:

	2025.	2026.	2027.
Broj službenika / Povećanje u odnosu na 2024. godine	70/70	75/145	55/200

POGLAVLJE 6: Okvir za praćenje provođenja plana i evaluaciju rezultata

6.1. KLJUČNI POKAZATELJI

6.1.1. POKAZATELJI USPJEHA ZA SREDNJOROČNI CILJ

		Početna vrijednost 2024.	Očekivana vrijednost 2027.
Srednjoročni cilj	Unapređenje bezbjedonosnog sektora u nadležnosti institucija BiH sa aspekta odgovornosti i efikasnosti.		
POKAZATELJ USPJEHA	Stepen realizacije aktivnosti u oblasti zaštite ličnosti i objekata, domaće i međunarodne policijske saradnje	96%	96%

6.1.2. POKAZATELJI USPJEHA ZA SPECIFIČNI CILJ

Srednjoročni cilj:		Početna vrijednost 2024.	Očekivana vrijednost 2027.
Unapređenje bezbjedonosnog sektora u nadležnosti institucija BiH sa aspekta odgovornosti i efikasnosti.			
Specifični cilj	Razvijanje i jačanje domaće i međunarodne policijske saradnje i unapređenje zaštite ličnosti i objekata.		
POKAZATELJ USPJEHA	Razvojni projekti	1	1

6.1.3. POKAZATELJI REZULTATA ZA PROGRAM

	POKAZATELJI REZULTATA	Početna vrijednost 2024.	Očekivana vrijednost 2027.
Specifični cilj: Razvijanje i jačanje domaće i međunarodne policijske saradnje i unapređenje zaštite ličnosti i objekata.			
Program: Policijska saradnja i zaštita ličnosti i objekata	Stepen realizacije aktivnosti iz oblasti domaće policijske saradnje	90%	90%
	Stepen realizacije zahtjeva iz oblasti međunarodne operativne policijske saradnje	100%	100%
	Stepen realizacije mjera zaštite ličnosti i objekata	100%	100%

6.2. PRAĆENJE IZVRŠENJA I EVALUACIJA SREDNJOROČNOG PLANA RADA

Izvršenje Srednjoročnog plana rada Direkcije za koordinaciju policijskih tijela BiH pratiće se putem redovnih godišnjih izvještaja. Izvještaj o provođenju Srednjoročnog plana rada dostavljat će se Ministarstvu finansija i trezora BiH i Direkciji za ekonomsko planiranje najkasnije do **15. februara** tekuće godine za prethodnu godinu.

Svake tri godine Direkcija će sačinjavati i pripremiti Izvještaj o evaluaciji provođenja Srednjoročnog plana rada i dostavljati ga Ministarstvu finansija i trezora BiH i Direkciji za ekonomsko planiranje najkasnije do **1. maja** tekuće godine za prethodne tri godine.

Izvještaj o provođenju i izvještaj o evaluaciji Srednjoročnog plana rada će sačinjavati tim sastavljen od predstavnika *Odsjeka za istraživanja i strategije*, *Odsjek za analizu i procjene* i *Odsjeka za finansijsko-materijalne poslove i upravljanje budžetom* Direkcije.

PRILOG 1: Akcioni plan Srednjoročnog plana rada Direkcije za koordinaciju policijskih tijela BiH.

PRILOG 2: Pregled zakona, drugih propisa i razvojno – investicionih projekta/programa.

Broj: 20-06-07-5-427-10/24

Datum: 5. februar 2025. godine

DIREKTOR
GLAVNI GENERALNI INSPEKTOR POLICIJE
Enes Karić



**PREGLED ZAKONA, DRUGIH PROPISA I RAZVOJNO INVESTICIONIH PROJEKATA/PROGRAMA PREDVIĐENIH
SREDNJOROČNIM PLANOM RADA DIREKCIJE ZA KOORDINACIJU POLICIJSKIH TIJELA BiH**

STRATEŠKI CILJ: Transparentan, efikasan i odgovoran javni sektor								
PRIORITET: Ojačati vladavinu prava, bezbjednost i osnovna prava								
1	2	3	4	5	6	7	8	9
Srednjoročni cilj	Specifični cilj	Programi	Zakoni	Podzakonski akti	Usklađivanje sa pravnim nasljedem EU (DA ili NE)	Planirani period za donošenje	Naziv projekta javnih investicija	Očekivani period realizacije
Unapređenje bezbjedonosnog sektora u nadležnosti institucija BiH sa aspekta odgovornosti i efikasnosti	Razvijanje i jačanje domaće i međunarodne policijske saradnje i unapređenje zaštite ličnosti i objekata	Policijska saradnja i zaštita ličnosti i objekata		Pravilnik o unutrašnjoj organizaciji Direkcije za koordinaciju policijskih tijela BiH Odluka o određivanju ličnosti, objekata i vrijednosnih pošiljki koji se štite Uputstvo o obimu i načinu provođenja fizičke i tehničke zaštite ličnosti, objekata i vrijednosnih pošiljki	Ne Ne Ne	2025. godine 2025. godine 2025. godine		
				Pravilnik o izmjenama i dopunama Pravilnika o unutrašnjoj organizaciji i sistematizaciji Direkcije za koordinaciju policijskih tijela BiH	Ne	2025. godine		